

آنادولو مجوسی

علم و ادیانده باعث آیلور مرقوم

مندرجات

کمال احمد	عایشه توزکوسی	محمد مهال	ملیت پرو لکک معناسی
فخر الدین محمدی	الاسه	حبیب عاصم	(بیلشیر بیلشیرلره اوکره تون)
رشاد شمس الدین	قانت و فلسفه سی	مهنی ضیا	تورک قوملری
محمد شرف	آنقره	حبیب فاضل	بالان دوکن داغری
محمد امین	(ارتجاع قارشینده کنجک)	محمد مظفر	غربت آقشامنده
محمد فاضل	اورفا شاعرلری	محمد کمال	برتقدیر تجر به سی
محمد خالد	نجایتینک شعر	مکریم خلیل	آنادولونک تشکلی
ضیاء الدین فخری	آنادولو قادیقلی	اسماعیل نامی	داغلره
محمد طاهر	عمر سیف الدین دائر	عمر بدر الدین	کوکلی
حسن جمیل	جنازه نویسی (حکایه)	صبیح کمال	اوسبای کوزل ایچون
عبدالرحیم شریف	موش اوواستده	محمد فاروق	جشمه
آناک ایزلری		ضیاء الدین فخری	تاریخچه ارضروم
		صلاح الدین محمدی	(اسولسز جالشه تک تیجملری)

ایک ایٹلری

کوردستانه برقرار . — هیئت تحریریه مزدن مکرمین خلیل بکک « یکی تورک » غزته سندم بر مقاله سی چیقدی . صوک عصیان حادثه سی مناسبتیه شرقی آنادولونک بر قسمته حقمنز واصلنر اوله رق « کوردستان » اسمی ویریلدیکندن بحث ایستکدن سوکرا ، مکرمین خلیل بک بومقاله سندم دیورکه :

[کوردستان اسمی ائک اول وزیر رشیدالدینک جامع التواریخنده ، اوندن سوکرا ابوالقاسم کاشانیک تاریخ اوجایتو خاتمه کچشدن . رشیدالدین و ابوالقاسم بواسمی اردلان و کوردستان قطعه لرینه ویرمکه ایدیلر . دوقوزنجی عصرده نظام الدین شامی و شرف الدین علی بزدی خوی حوالی جنوبیه سیله شهرزوره کوردستان دیورلر . بونلری تعقیباً حافظ ابرو ، عبدالرزاق سمرقندی ، میرخوند و دیگر برقاچ تاریخ نویسده لورستان ، اردلان ، شهرزور خطه لرخی کوردستان نامیه ذکر ایدیلر . بونلره کوره کوردستان عراق عرب ابله عراق عجمک خط فاصلنده اوچ قطعه بی احتوا ایدیلر . شو حالده ائسکی مورخلردن هیچ بری آنادولونک هر هانکی بر قسمتی کوردستان اوله رق کوسترمه من ، حتی بوبله برشی خاطرندن بیه کچیرمه مشدر .

شرقی آنادولونک برپارچه منه ابتدا کوردستان عنوانی ویرن « هشت بهشت » صاحبی ادریس بتلیسیدر . ادریس بتلیسیدن سوکرا تاج التواریخ مؤلفی خواجه سعدالدین آفندی ، خواجه سعدالدین آفندینک معقیری حسن بکراده ، مولاقزاده بو تعبیری قوللا مشلدر . صوک زمانلره قدار ، تدقیق ، تبصیرکتاب یازمنی عادت ایدینه کیسه لرده بو مورخلری عیناً تقلید ایشلر ، اونلرده کوردستان تعبیریه قیمت ویره رک بونی اثرلرینه آلفنده باس کورمه مشلدر . بوسورتله کوردستان کله سی مکتب کتابلرنده بیه استعمال ایدیلشدر .

حالبوکه حقیقتده ، آنادولونک هیچ بر طرفنده کوردستان دینله جک بربر یوقدر . اسملری صایلان مورخلرک کوردستان دیدکتری محله . که آنادولونک حوالی شرقیه سیدر . — قبل اینیلاد آلتنجی عصردن اولکی زمانلرده اورارتو و خالت نامنده ایکی قوم اوطوردی . قبل المیلاد آلتنجی عصرده فریکیالیلرک بر شعبه سی اولان ارمنیلر بورایه کلدیله تورک استیلاسنه قدار ، بوراسی ارمنیه تسمیه ایدیلدی . هجری بشنجی عصرده تورک استیلاسیله تورکلره وطن اولان بو خطه سلجوقیلر ، طوائف ملوک و نهایت عثمانیلر دورنده تامامیه تورک دیاری حالنده قالدی . کوردلر قدار ارمنیلره ده اضافه ایدیلن بویرلره نه کوردلرک ، نه ده ارمنیلرک مادی و معنوی هیچ بر علاقه و مناسبتیری یوقدر .]

مکرمین خلیل بکک و ثائق تاریخییه استناد ایدن مقاله منه علاوه ایده جکمز برجهت یوقدر . — یالکز شوراسی تکرار ایدم : آنادولو یالکز آنادولودر ، آنادولو یالکز تورک دیاریدر . آنادولو یکپاره بر وجوددر ؛ هیچ بر جزئی آیریلماز . آنادولو خریطه سندم ، کوردستان اویدورولش ، وهم ایدیلش برپارچه در . آنادولونک بر قسمته بواسی ویرمکه قالیشمق ، آنادولونک وحدته قصد ایشکدر . علم و حقیقته حرمت ایده نلر بوندن قورقه لیدرلر .

مجموعه من ، يکي تورکده چيتمان مقاله سيله مملکتی ايقاظ ايتديکندن دولایي مکرمين خليل بکه تشکر ايدور .

علمی کشف . — آنادولونک تاريخ و ادبیای درین بر ظلمت انجنده در . بو ظلمت انجنده موجود اولان بعض خفیف شعاعلرده قوتسز و اساسسزدر . بز بکون بوقوتسز نقطه لر دن ايکيسنی کوستره جکز : اونه دنبری یونس امره نك سقاریا کویلرندن برینه منسوب اولديغنی ظن ايدردک ، ادبیاتخيلر بو طئی حقیقت بیلرلردی . حالبوکه اضرومه بر ساعت مسافده کاش برکويده بکون یونس امره نك احفادی بولونویور . دنيانک درت کوشه سندن کلوب مملکتسزده ادبیات تدقیقیری یاپان مستمرقلر یاننده ، بزم بوجیلر خجیع دکيدر ؟ ... کذا اضروم آدینک ارزن الرومدن محرف اولديغنی ویا باشقه « ارزن » لردن آیریلی ایچون « روم » صفتنک علاوه ایدیلدیکی سويلرلر . حالبوکه اضروم کویلرندن برینک بکون آدی اولان « آرض » ، اضرومک اسکیدن کاش اولديغنی یردر . کم بیلر هانکی تاریخی و هانکی اجتماعی سبیلر ايله « روم » کله سی نهایته کتیرلشدر ؟ اضرومدن آلدیغمز برمکتوبده اضروم لیسه سی تاریخ معلمی محمدوح بکک بوابکی حقیقتی میدانه چیقارمق ایچون اضروم حوالیسنده تاریخی ، آتوغرافیک تدقیقلره مشغول اولديغنی یازیلور . آتشلی بر انتظار ايله کنج مورخک نتیجه فعالیتنه انتظار ایتدیگری بیان ایدرکن ، محمدوح بکده بوتشیرلرندن دولایي آنادولو تاریخ و ادبیاتنک وضوح و سلامتی نامنه شمیدین تبریک ایلرز .

آسه قلعه مکتوبی . — آنادولو مجموعه سی ، مملکتک حقیقی احتیاجلرینی یقیندن تعقیب ایتدیکی ایچون اضرومک متواضع برکوشه سی اولان آتش قلعه یه عائد شو علاقه دار سطرلری صحیفه لرینه کچیرمکه مقدس وظیفه لرندن برینی یاپيور : « آتش قلعه اضرومه اون ساعت مسافده ایکیوز اللی اولی ، یول اوغراغی اولان برناچه در . حکومتک مختلف عضولری بوراده دولت حیاتنک صمیمی تجلیاتنه بر نمونه تشکیل ایديور . چونکه آتش قلعه ده ملکيه نك رئيسی ايله معارف منتسبی ، بلديه ايله خلق خارقلر یاراتان برتساندک بربرنه ربط ایتدیکی کورپورسکز . صوک ایکی سنه ظرفنده قصبه ده صمیمی علاقه لک ، اجتماعی تساندک بارلاق برشاه اثری حصوله کیشدر . فی الحقیقه آتش قلعه ابتدائی مکتبنک غیور معلمی فکری بک ، یکی سیستمده و صهی قاعده لره مطابق بر مکتب یاپیدر . مقندن عبارت ایده آلی ، بو تساند سایه سنده بکون قوه دن فعله ایصال ایتشدر . ایده آلنک تحقیقی کوره ن بوملم ، بکا تصل چالیشدیغنی ، بوجالیشمه ظرفنده ناحیه مدیری ايله بلديه رئیسنک کندیسنه فصل یارديم ایتدیکی ، خلفک فصل جانن آئنده و آووجنده کنی فدا ایدیلدیکی آکلاترکن عزمک ، صمیمی برلکک نه خارقلر ابداع ایده بیله جکی دوشونویوردم . مکتب ایکی قسمن عبارتدر . لیل قسم بو سنه ناعامدر . نهاری طرفی ختامه ایرمشدر . شمدی مکتب معلم احتیاجيله قیورانیور . مکتبک ایکی معلمی اولان فکری وحشی بکر درت صنی اداره ایتک ایچون نه بویوک برعزم وغیرت ايله ، عادتا چیرته رق ، چالیشقلرینی بارز اثرلر ايله کوستر بولر . کوریلورکه تارلاسندن ، چو- غندن و بوغازندن قازاندیغنی یابانچی الله و ایللره ویره ن آنادوللو ، آرتق بیلکی حس ایتش ، و ابدی خلاصک آتیق و آتیق کندی عزمک شاحقه لرندن طوغه جغنی آکلامشدر . آتش قلعه ده یوقدن یاراتیلان مکتب بناسی اوکئنده بو حقیقتک کونشيله کوزلرکزک فاشمه سی ممکن دکيدور . »

فلی رفصلر من . — بز آنادولولر ، اوندن خبری اولمايان ، کیلارنده په جک و ایجه جک نه سی بولدیغنی بیله یین زوالی او صاحبلرینه بکزه رز . بویله بر او تصور ایدیکز : ایشه

آنادولونك حالى .. مدینت دیرز ، یازسك حیاتی خویا ایدرز و هیچ بر زمان مملكتك مدینته اولان استعدادی ایشله مین . صنعت دیرز ، غربك موسیقی ودانسی ، دانته بی و هوغونی خاطر لارز و هیچ بر زمان بر آنادولو مانینسك روحی سزمك ، ملی رقصلر مذك حرکتلرنده کی آهنكرك اینجه لك وكوزه لكی آكلامق ایسته مین . بنی بوملاحظه یه سوق ایدن سائق اضروم كنجلرینك بر مسامره سنده بولونوركن أسیری اولدیغ بر دوشونجه در . مسامره ده اضروم كنجلری ملی رقصلری اوینادیلر . اضروملی رقصه (بار) دیور . آشیرما ، دالدار ، ناری ، خنجر ... کی اسلر طاشیان بو مختلف بارلرك احتوا ایتدیكى آهنكلی و شعرلی حرکتلر بر بدیعیاچی بی تسخیر اینده جك قادر صنعتکارانه در . بولری بن ساده جه تاشا ایتدیكم اینچون فضله سوز سوله میه جكم . حالیكه بولردن بویه بحث ایدله ملی . آهنكرك معناسندن ، رقص منیكورلرینك شكللرندن آكلیه رق قلم یورونعلیدر . بونك اینچون ده شهسز بوتون صنعت شعبه لرینك علمی وحرثی بیلگیلرینه وقوف لازمدر .

اضرومك حیات وقدره كوسكون اولان سرت چهره لی وقارا قاشل داداشلری ، قارشومده رقصك شعرلی ایله مت اولور و هر کسی مت ایدركن بن خاطر هم سلیم سری به کتدی و اونی جرمت ایله آكدی . چونكه آنادولونك حقیقی بر كوزه لكی قبالی كوزلر مذك اوكنه آجوب یایان اودر . فی الحقیقه ازمیرك زیبك رقصلری حقتده معلوماغزی سلیم سری بكه مدیون دكلی یز؟ .. كندی كندمه دوشونیورم كه ملی كوزه لكی قفاسی و قلم ایله میدانه چیقارمق عشقنده اولان قوتلی بر انسان ، اضروم بارلری موده ریزه ایته ، اونلری عصری بدییاتك اسول و قانونلری تحت آله نه ایی اولور . بویه جه اساسی ملی وخلق اولان بر رقصه صاحب اولورز . مملكتك تمدنی ، اونك مادی و معنوی حیاته تعلق ایدن بوتون یاشاییش وجهه لرینی عین موازنت ایله یورونمكه باغلیدر . بو اعتبار ایله آنادولونك كمال و جالی ، اقتصادی و بدییی روشلرینك موازاتی ایله قابل اولاجقدر .

نه حزین تجلیدر كه مملكتك اوز اولادلی كندی یوردلرنده غرب یاشایوب غربی اولورلر : شان ، شرف ، ثروت کی دوشونجه لرك آرقه سنندن قوشیه رق سسبز ، متواضع و صرف یووالرینك خیرینه چالیشیركن نه محیطلرینك تقدیرینه نه ده طبیعتك مساعده سنه مظهر اولورلر . بو آجیقلی حاله رغما روحلرنده کی قوت اکیلیور ، آرتیور ، اونلری کیتدجه متزاید بر عشق ایله وطن اوغرنده اوغراشدیریور . مملكت چوققلری بو نجیع شرائط اینچندن قورتاریله رق اونلر ایی ، تمیز بر مساعی ساحه سی حاضر لانه لیدر . بوتنی بی بز ایلیم بر ضیاعك تأثیر یله اظهار ایدیورز . آرقاداشمز مهندس ناهردی كنج رائفك اوچ ، بش کون اول وقاتندن آلدیمز كدرله بو سوزلری سولیورز . آنادولونك بو اصل اوغلی آرقه سننده قیریق قیلر بر ارقه رق بزدن آیریلوب کیتدی . فقط اونك اینچون اینچوده طوبدیغمز آجیدن صرف نظرایتسه لك بیه آراسنده کی بوشلفی هر آن ده افضله حسن ایدرك اغلا یاغمز . تکرار ایدلم نه حزین تجلیدر كه مملكتك اوز اولادلی كندی یوردلرنده غرب یاشایوب غربی اولورلر .

آ م